

31 Ogos 1982: Berdisiplin Giat Maju

S'pura setuju beli gas cecair 1990

KUALA LUMPUR, **I**enin — Singapura bersetuju membeli gas cecair asli (LNG) antara 30 hingga 40 peratus keperluan negara itu pada tahun 1990 jika peneraluran gas melalui paip antara Terengganu-Singapura dapat dilaksanakan.

Di samping itu, Malaysia dan Singapura juga bersetuju menjalankan kerjasama menggalakkan pelancongan, membekalkan loji bekalan air di Johor dan membekalkan peralatan bagi perusahaan makanan.

Butir-butir persetujuan ini diumumkan dalam sidang akhbar bersama antara Perdana Menteri, Datuk Seri Dr. Mahathir Mohamad dan rakan sejawatnya dari Singapura, Encik Lee Kuan Yew di Bilik Rajah, Hotel Hilton di sini petang ini.

Datuk Seri Dr. Mahathir memberitahu, beliau berbincaang dengan Encik Lee mengenai kemungkinan LNG dieksport ke Singapura melalui saluran paip.

Bekalan air

Katanya, pada dasarnya Singapura bersetuju membeli gas Malaysia tetapi kajian lebih perlu dibuat sama ada ia boleh disalurkan melalui batang paip dari Terengganu.

Menjawab satu soalan mengenai isu itu, Encik Lee berkata, "Singapura bersetuju membeli gas Malaysia antara 30 hingga 40 peratus dari keperluan Republik itu pada tahun 1990."

Bagaimanapun, katanya masalah teknik mengenai sama ada gas boleh diangkut melalui paip, perlu dikaji dengan teliti.

Mengenai bekalan air Johor ke Singapura, Datuk Seri Dr. Mahathir berkata, Singapura bersetuju supaya kolam bekalan air itu diperbesar bagi memberi kemudahan kepada Johor menggunakan air dari kolam tersebut.

Bagaimanapun, kata beliau, Singapura tetap memperoleh bekalan air sebanyak 250 juta galon sehari seperti yang terkandung dalam perjanjian pada tahun 1962.

"Singapura juga bersetuju perbelanjaan pembekalan kolam bekalan air akan ditanggung bersama," ujar beliau.

Mengenai kerjasama

menggalakkan pelancongan, Perdana Menteri berkata, MAS dan SIA akan menjalankan kerjasama penerbangan untuk menggalakkan pelancongan mulai 1 November.

Katanya, kerjasama tersebut dijalankan bagi kepentingan kedua negara supaya pelancong dari Malaysia ke Singapura atau sebaliknya, serta dari luar rantau ini akan dapat digalakkan.

"Kerjasama penerbangan antara MAS dan SIA adalah berfaedah memandangkan keadaan yang kurang menguntungkan sekarang.


"Adalah lebih baik kedua syarikat penerbangan itu berbanding pihak akan menanggung kerugian," katanya.

Beliau juga menyatakan kerjasama dari segi

latihan Institut Pentadbiran Negara (IN-TA.N) akan dijalankan dengan serta-merta.

Katanya, ini akan membolehkan kedua negara melatih para pegawai mereka di samping membina masing-masing.

Bagaimanapun kajian teliti mengenai pembelian LNG dan pembekalan loji kolam bekalan air di Johor akan dijalankan seterusnya.



●PERDANA Menteri, Datuk Seri Dr. Mahathir Mohamad (kanan) dan rakan sejawatnya dari Singapura, Encik Lee Kuan Yew (kiri) ketawa mendengar

telah para wartawan yang bertanya mengenai rundingan mereka berduo dalam satu sidang akhbar di Kuala Lumpur petang semalam.

No. Siri 6673
No. Penerimaan 990
26